

ըէնը կը հայթայթուին: Սակայն մեր գալուց յետոյ այնպիսի տեղեր յատկացրին մեզ, ուր ոչ ջուր կայ, ոչ անտառ. բայց այդ վայրերումն անգամ հարկադրում են ամենքիս գրով վկայել, թէ զրանք մեզ յարմար են, սակայն մենք այդպիսի վկայութիւն չենք կարող տալ, որովհետև այդ վայրերն ան պէտք են: Սկզբում պարէն ու պաշարն ամենքին բաշխում էր. իսկ այժմ մի քանիսին ամենեին չէ տրւում. երկրագործ մշակներին 120 վերստով անջատում են մեզանից... և մենք ոչ միայն նպաստ չենք ստանում, այլ դեռ աւագակների յափշտակութեան և ուրիշ կեղեքումների պատճառով, նոյն իսկ մեր յետին գոյքից զրկուած ենք և այնպիսի նեղութեան հասած, որ առաջուայ բարեկեցիկ մարդիկն անգամ այժմ մուրայով են հաց ճարում, իսկ միւսները սովից ստիպուած՝ մի չնչին գումարի կամ պատառ հացի փոխարէն իրենց զաւակներին ծախում են: Սովի պատճառով խաչած թեփն իրբև սնունդ գործածելուց շատ և շատ մանուկներ մեռան»:

Այնուհետև Հայ պատգամաւորները նոյն թուականի յուլիսի 15 ին մի աղերասագիր ուղղեցին նաև Պոտեոմկին իշխանին, բացատրելով, թէ՛ «նրանք խնդրած էին Ս. Դիմիտրիյ Ռոստովցու արուարձանում նստեցնել իրենց, և այդ խնդիրը Ձերդ վսեմափառութեան հաւանութիւնը գտած էր. սակայն... Ազովի նահանգապետի օգնական (Азовской губернской Канцелярии губернаторский товарищ) Գարսևանովը բոլոր երկրագործներին ստիպում է թերս գետի վրայ հաստատուել և ամենասոսկալի եղանակով հրամայում, որ այն տեղ շինեն իրենց աները. բայց որովհետև նրանք յօժար չէին, ուստի ումանց շղթայից և մի քանի օր բռնի և անարգ աշխատութեան դատապարտեց (канальная работа): Բացի այդ՝ ամենքն էլ բնակելի տներ չունենալուց և միշտ անապատում մնալուց՝ արեգակի և ստէպ-ստէպ անձրևների տակ տանջւում են, ըստ որում ահա երեք ամսից՝ աւելի է, որ նոյն նահանգապետի օգնականի հրամանով բնակարաններից արտաքսուած ենք և այժմ դուրսն ենք ապրում, և այս փոփոխութիւնների պատճառով շատերն արդէն մեռել են...» ուստի և աղաչում էին պատգամաւորները՝ «թոյլ տալ մեր ժողովրդին վերոյիշեալ Ս. Դիմիտրիյ բերդի արուարձանում և դրա շրջակայքում հաստատուել: Հայ գաղթականները ռուս իշխանաւորներին դիմելուց գատ՝ իրենց ողորմելի վիճակը նաև Յովսէփ արքեպիսկոպոսին